

مجله دانش اسلام

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیة در
اتبعون اهدکم سبیل الرشاد

صاحب و مدیر مسئول : ح . اشرف ادیب

مطبوعات

دار الخلافه نك يومى غزته لرى ايجنده يكانه حقيقى اسلام مدافى اولان « هلال عثمانى » جريده سى تكرار انتشاره باشلادى . مجاهد اعظم شيخ عبدالعزيز جاويز حضرتلى هلال و صليب خنده مدھش مقالار يازيور . ايشته ۱۷ تشرين اول تاريخلى باش مقاله سندن بر قسدى نقل ايدىيورز . بتون قارملر نك ، بتون مسلمانلر دار الخلافه نك بويومى حقيقى اسلام غزته سنى منتظماً تعقيب ايتلرني توصيه ايدرز .

اوروپا و اسلاميت...

علمي مزده کی پندار قارمېنده

... اوروپا دولترينك كنديلرى ده حكمدارلرى ايله برابر اسلام عالمك وجودنى اورته دن قالديرمق ايجون علماً بياناده بولونويورلر؛ بو خصوصده بزه قارشى آچيقدن آچيغه دوست كورونلرله يوزمزه قارشى كولهرك دوستلق كوسترنلر عيني ماهيته در . آه ! . . . بيلسهك ، زواللى اسلاميت بو كون نه حالحه بولونويور ! . . . عرق علمى كرامندن بر ذاتك ديديكى كې « فاس ايله ايران طير اسلامك صاغ وصول قانادلىر مشابهنده ايدى ؛ اونى قوبارديلر ، عثمانلى علمدن هيچ بر حركت كوزمه نيجه اصل و حودكده بى حس قالديني ظنى بسلهيه . رك نهايت صوك ضربه لرني ده هلاك بياض و نرمين سينه سنده حواله ايتدلمر . قانه بوياديلر .

ايتاليا ايله صالح دها عقد اولور اولمزه كه اكر بعض خفى سبيلر اولماسه يدى اسلام عالمى هيچ بر زمان بو ابدى ذلته تحمل ايتمز ، و خريستيان بايراقلرينك موحدن باشلى اوزرنده دالغه لانه سنده راضى اولمازدى . ايشته بو مصالحه دها عقد اولونور اولونماز برده باقدق كه انكلتره ، سنوسيلكك مهدى و اسلام امتلرينك كعبه لرندن برى اولان « كفره » نى استيلايه حاضر لانيور . بونك ايجون سنوسيلرك رنجى مقرى اولان « جنوب » نى آلمه سى لازمكلىر كه بوضورتله انكلز نفوذى سلومك شمالدن كفره و جنوبنه قدر امتداد ايدم بيله چكدى . شمدى زواللى اسلاملر هر طرفدن خريستيان آلايلرى ايله قوشا ديله رق باشلرنده ينه صليبي بايراقلر كولكه صالغه باشلاديني زمان نه يابه جقلردر ؟ ايتاليايه تسليم و حكمنه رام اولماق ايجون بر لرينه سوز و یرن ، يمين ايدلر ؛ عين زمانده شمالدن ايتاليا عسكرلرى اوزر لرينه يوروديكى ، شرق و جنوب دن ده انكلز قطعه لرى ايلريله مكه باشلاديني زمان نه يابه جقلردر ؟ . . .

اوروپا بوتون بو حرکاتى كلىشى كوزل ياييمور ، بالعكس بونلرك هپسى معين بر پلان داخلنده ، مرتبدر . بونك ايجون اولو اسلامه هر طرفدن هجوم ايتش برر برر پريشان ايتدكدن صوكره هپسى رذن پنجه سنه كچيرمهك چالشمش ، آرتق بوكون اسلام عالمك تا قلمكاهنه ، اك اصلى مركز لرينه تجاوز ايتك اوزره بر طرفدن شيعيلك ديارني انه كچيرديكى كې ديكر طرفدن خلافت تختى صارصمق ، اسلامك اك متين ركنى دويرمك ايسته يور . صوكره آفريقا صحراسنك

ايدر ويا خود اصول آتى اتخاذايديلورسه دها موافق اولور ظنده يم . بغدادده بو ماكنه لرك متعدد انواع و تحارى واردر . بونلردن دويلكس ، پلاكتون ، هورونزى ، ويكتوريا روستو بروكتور ، ويزه . . . انواعى موجوددر . برقچ سنه لك تجربه نتيجه سى ايله اك زياده رغبت عموميه (هورونزى) ماكنه سنه تمايل ايدوب شمدى به قدر بغدادده وارد ماكنه لرذن يوزده سكسانى يالكيز بوماكنه لرذن ، يوزده يكرمى ديكر نوع ماكنه لرذن اولدينى نظر دفته آلنورسه بالعموم اوصاف و خواص نقطه نظرندن ديكر ماكنه لره مرجع اولدينى و مادامكه بوقدر انواع ماكنه اره سنده رقابت موجوددر ، هر حالده مذكور ماكنه لرك فيأتى حد اصليسنه وارديني اكلاشيلور . هورونزى ماكنه سنك شو خواص و مزاياسنه علاوه بيايى بلوكى - كرى قومپانيه سى طرفندن قيمتك ثائى نسبتنده پشينا و بقيه سى بر سنه يه مقسطاً و برك كې بر سهولت بخش ايلسى بو ماكنه نك رواجى تزييد ايلشدر . ايشته زراعك قسم اعظمى پشينا بونك قيمتك اداسندن عاجز اولدينى ايجون متحسرانه الى بوكرى اوزرنده قاهره مشاق عظيمه و اصول عتيقه اوزرنده چوق زمانده آز فائده استحصاليله اوغراشمقده در . ايمدى حكومت مركززه تشكلى ايدمك بانه نك سرمايه سنى ديكر مناطقه تشكلى اولمق باقعه سرمايه سنده نسبة اون اون بش بيك ايرا نضليه تشكلى ايدر و بوكى زراعه ماكنه نك ثلث قيمتى اداره ايدمك اولورسه بوزراع النده بش ياره سى اولمق سزىن حكومتك و قومپانيه نك بومساعده لرى سايه سنده بر ماكنه يه صاحب اوله رق خطوات سريعه ايله احوال زراعيه و اقتصاديه سنى اصلاح ايله مش و فابريقه جينك كوسترمش اولدينى مدت داخلنده هم ماكنه نك ، همده حكومتك حقنى ايفا ايتش اولور . هله حكومتك زراع حقنده بوكى لطفده بولنه جغنى تعيين ايدن فابريقه جى ماكنه ايجون پشينا آلدينى بونك ربه تزييل و برسنه لك مدتى برسنه اوچ آيه تمديد ايدمك جكنه تماماً اميد وارم . بوراده نظر دفته آانه جق مهم بر مسئله واردر . اوده حكومت طرفندن سائر دواژده اولدينى كې قومپانيه لر يينده مناقصه آچق اصولى تعقيب ايدلمايدر . تعقيبه تشبث اولونسه بر چوق محاذيرك تولدى نمكندر : بوراده بو ماكنه لرذن دها يك اوجوز ماكنه موجود ايسه ده از زمانده بوزلمسى ، ايشلدى سى صعوبتلى بولمى ، ماكنه انواعك تعديله هر نوعه منسوب آيرى آيرى ماكنيستلرك استخدماى وسائره . حابو كه بالاده عرض اولندينى اوزره برقچ سنه صرفيات نتيجه سى بوماكنه لرك قيمتى حد اصليسنه ايصال ايلديكندن بوجهته عطف نظر ايتمه رك ديكر جهتن دها بيوك تسهيلاتك طليله تأسس ايدمك بانه ايله بوقه مپانيا اره سنده بر رابطه ك وجوده كترلمسى و مشتركاً سعادت اهالىنك تأميننه چالشمه سى دها بيوك فوايد توليد ايدر .

چکینمہ ملری، اخطار ایدیور؛ فردیناند بونلری سویلدیکی حالده اوروپا قوللری باغلامش، ساکنانه دورویور، حتی کوزلری، سوزلری، اشارتلی، حرکتلریله اونلری تشویق ایدیور، کیزلیجه قیشقیرتیور، کندیلرینه عقل اوکره تیور، پلان حاضر لایور، یول کوستریور، اللرندن طوتویور.

اوروپا بلغار قرالک سوزلری کمال خشوع ایله دیکله دیکلی حالده معظم خلیفه من سلطان رشاد خامس حضرتلری بویله برکلامده بولمش اولسه لردی ناصل براستقبال کوره جکلردی؛ اونلرک کندیلری متعصب اولدقلری حالده بزلی تعصب ایله، اونلرک کندیلری ظالم اولدقلری حالده بزلی ظلم ایله اتمامدن، وحشیلک، باربارلق، نیم مدنیلک کبی صفتلر الحاقندن کری قالمایه جقلری شبهه سزدر.

اوروپا فردیناندک نطقنه صریبلر ایله یونانیلرک کیردکلری عثمانلی ملکنده ارتکاب ایتدکلری شیعہ لره قارشی ساکت ولایقید قالیرکن امیرالمؤمنین حضرتلرینک وحریه ناظرینک عثمانلی عسکرینه ویردکلری نطقده ضعیفلر، اختیارلر، قادینلر وچوجوقلره قارشی مرحمت و انسانیت، اصالت و نجات داخلنده معامله اولنمسی لزومی بیلدیریلیور. اسلامک علوی تلقیناتی اجمال ایدن بویاننامه، نشر اولنه رق بتون علمک نظرلرینه معروض قالدینی حالده خرستیان عالمی، بوقدرشفیق ورحیم مسلمان اساسلریله، بلغار چارینک نه شمیدیکی نه کله جک عالم حضورنده اوتانمندن اعطا ایتدیکی جهنمی نصیحت بیننده کی فرقی کورمه مک ایچون کوزلری قاپایور.

ایشته بز مسلمانلرک خرستیان امتلر قارشیدنده اهمیت و حیثیتمز بودرکده در. زیرا بزاونلر نظرندہ تقسیم اولونه جق برمال، توزیع اولونه جق بر اجرتدن باشقه برشی دکلز. اونلر بزم شمدییه قدر بر درلو نفس سزده تدارک و تمثیل ایدمه مدیکمز مزیت ووصفلی حائر اولمدقلری حالده بزاونلرک بو حرکتلری قارشیدنده ناصل بروضعیت آله جغز؟

اونلر اجتماعی برهیتک اساسلی شرطلرندن اک برنجیلری، شرف وعظمت وقدرتک عنصرلرندن اک مهمملری اولان علم وقوت ایله جبرزه بی بریره جمع ایتمش اولدقلری حالده بز آلآن نه یاپیورز؟

حریفلر آره لرندہ کی مادی ومعنوی رقابت وغرضلری اونوتمش، بوتون بونلری خاطرلرندن چیقارهرق علیهمزه اتحاد ایتمش، صفلری طوپلایهرق اوزرمزه توجه ایتمش اولدقلری حالده بز نه یاپیورز؟

دشمن ملتلر اوزرمزه کویکلر کبی صالیدردقلری، بزلی پاره لاق ایچون بوغوشدقلری حالده بز نه یاپیورز؟

ملکمز، ثروتمز، بوتون اجنبی ودشمن اللرینه کچدیکی حالده بز بوتون دنیاده حامی سز، معین سز قالمش اوکسوز برهیت کبی نه یاپیورز؟

آرتق یتیشیر، محو اولویورز، هلال ایله صلیب آره سنده عصرلردن بری دوام ایدن بو چاریدشمه لردہ بز متبادیاً کريله دک... اکر

واحدلری آره سنده متجدد بر اسلام کنجلیکنک طلوعنی کورمکدن قورقه رق درحال عسکرینی طوپلایور، سنوسی مراکزی اوزرینه یوریش ایتک ایچون حاضر لایور.

بوندن اول ایسه بالقان حکومتلرینک سیاسی زنبک لری قورمش، اونلری آج قورتلرکبی خلافتک شہامتلی آرسلائی اوزرینه صالیدریش بونکله بزه صوک اولوملو ضربہ لری اوزهرق اوروپادن چیقمق و (حفظنا الله) دوچار اوله جغمزی بوتون قلبلریله آرزو ایتدکلری هزیمتدن صوکره فریح وفجور بوسفور ساحلرینه یایلمنی دوشونویور. روسلرک «آیاصوفیه» حقندہ پرورده ایتدکلری خولیلر ایسه فاتحک مغویتی امدادیلہ آتون هلالک روحانی ایشیقلری سایه سنده عدمک اعماقه کومولویور کیدر.

ایشته اوروپانک یکرمنجی عصر مدنیتی ایجابندن اولمق ارزہ عینی زمانده آفریقا، آسیا واوروپا مسلمانلرینک قانلری دوکولویور، روحلری اوچورولویور... ایشته یه اوکرمنجی عصرک مروت ومرحمی اقتضاسندن اولمق اوزرہ صریبه عسکری عثمانلی حدودنده آنسزین داخل اولدقلری کویلردہ برچوق معصوم قانلری دوککدن استحقا ایتیمور، پاکیزه قیزلرک عرضلرینه تسلطدن جهنمی برذوق طویویورلر. اوت، ایشته او اوروپا مدنیتی اوله استیزام ایدیورکه بلغارستان کندی تبعه سی اولان مسلمانلره تجاوزله قولالری قوپارمق، بورونلری کسمک، عرضلرینه کچمک، ماللری صومیق، نہایت بوتون بوغذابدن قور تولمق ایسته یین زوالی انسانلری مهاجرتدن منع ایتکدن قورقیور. بونلر بویله ایکن بری طرفده بزم خرستیان تبعه سی، آره مزده جانلرندن امین بر حالده تجارت ایدیور؛ هر درلو رفاهه مظهر بر حالده وطنک نعمتلرندہ استفاده ایدیور؛ اونلردن برینه بزم طرفدن آراجق سرت برلاقیردی سویله نسه در حال اوزرمزه کسکین قیلیدجلر، خائن قورشونلر، مدھش دینامیتلر صاورولوب یاغمغه باشلادینی کبی متعصب اوروپا بزه قارشی آغزندن چیقان ترهاتی، لندن کان شناعتی یایمقده بر دقیقه تردد ایتیه جک؛ هان عسکرلری طوپلایهرق «باربارتورکار، وحشی مسلمانلر خرستیانلری بوغازلایورلر، کسیونرلر، اولدریورلر، باشی بوزوقلر هر طرفی خرابیه چویردیور!» فریادیلہ اهل صلیب سفرلری تشکیل ایدمه جکلردہ! بالقان حکومتلرینک انسانیت قارداشلری ملیت اورناقلری، منافع یولداشلری اولان زوالی تبعه لری قارشی، یوزلری قبله یه توجه ایتدیکنندن، قلبلری اللہی توحید ایلدیکنندن باشقه هیچ بر سبب اولمادینی حالده روا کوردکلری ظلمی تجویز ایدن شی اوروپانک بابالق حسلری دکلدہ ندر؟

بلغار قرالی فردیناندک عثمانلی دولته قارشی حرب اعلان ایتدیکی کون ویردیکی بیاننامه ده «صلیک هلاله قارشی یورومکده» اولدینی فکری بوتون بالقان حکومتلرینک قلبنده تاریخی بر انتقام حالده کیزلنمش بر شیددی؛ بوکون اونی ظاهره چیقارمقلہ مسلمانلری اوروپادن سوپورمک (!) ایچون اللرندن نه کلیرسه هیچ بریسنی یایمقندن

بوندن صوکرده فرقه اختلافی برافراز، سیاسی مسلک مزی اونوتماز ایسه ک هلال و اضمحلال اوچورومنه یووارلانه جغمنز قطعی و محققدر .

ارتق صوک مرحله مزده اولسون اوللهک غالب آرسلائی امیرالمؤمنین حضرت علی نک سوزینی درخاطر ایدم : آدجغزک بری امیر صومش : معاویه نک عسکری باطل طرفنده ایکن ناصیل اولدوده «حق» غلبه ایده بیلدیلر؟ بویوک خلیفه جواب یورمشلردی که : «اونلر باطل ایدیلر اما اتحاد ایتدیلر مظفر اولدیلر ، بز حق طرفنده ایدک اما تفرقه دوشدک ، مغلوب اولدق .»

ارتق المزده نه قدر ثروت، وجود مزده نه قدر قان و جان وارسه هپسینی الله اوغورنده فدا ایدم؛ کورمیورمی یز روسیه ایله آوستریا اردولری صوک قالان اسلام هیئتیه ده محو ایتک اوزره محاربه میداننه شتابان اولق ایچون حریصانه چیرینمقده درلر.

دشمنلرمن قارشیننده کله اسلامک تأییدنن، عثمانلی ملککک ابدیاً ابقا سندن باشقه هیچ برضایه زبط قلب ایتیمه رک اتحاد ایدم؛ آرمزده نه قدر نفاق و شقاق وارسه جمله سنی ترک ایدم رک برلشم، یکوجود اولم : زیرا بز توحید امتی یز؛ جناب حق ده کتاب کریمده بزه عینی شیئی امر بویورویور.. باقی الله مؤمنلرک یاردمچیسیدر.

شیون

بالقاندردده جهاد

۱۱ نسرین اول ، بجمعه :

بوکون رسمی بر خبره کوره ، قومانونه حوالینده تحشد ایدن و غرب اردوسنه منسوب بولنان قوای عثمانیه صربستانک موروا وادینندن ایلریله یز اردوی اصلیمی اوزرینه تعرض ایدیور ؛ وقوعه کان شدتلی محاربه ده درت فرقه تخمین اولنان دشمن اردوسی تلفات کلیه ویره رک قطعی بر مغلوبیته دوچار اولیور ، کاملاً رجعت ایدیور ، قوای مظفره عثمانیه نک دشمنی تعقیب ایلدیکی تبشیر اولونیور . بو خبر اهالی بیننده سونجیلرله قارشیلانیور . مرده مظفریتی هرکسندن اول ایکنجی طبع صورتیه درج سستون ایتش اولان «اقدام» قاپان قابانه صاتیلیور . آقشام اوزری تقویم وقایعک رسمی بر علاوه سنی دخی اقدامده کی خبری عیناً نشر ایدیور . بوکونکی غزته لر آلمانیا ایله فرانسه دولترینک بی طرفلق اعلان ایتدکلرینی ، ایتالیا نک ده اعلان بی طرفی ایتک اوزره دولترله مذاکره ده بولوندیغنی اخبار ایدیورلر . رومانیای حکومتی ده روسیه دولتشک آلاجنی وضعیت توضیح ایتدیکندن بی طرفلق اعلانی تأخیر ایدیور .

۱۲ نسرین اول ، جمعه :

بعض غزته لرک اولجه ویرمش اولدق لری مستعجل ویر آردمه ایله خبرلرله محاربه شاقا ایتش کی اوچ کون صوکرده اردومزک قلبه ده رسمی کچیدیا باجغنی فضله برغرورله بکلین افکار عمومی بوکون بویوک بر مظفریت خبرینه منتظر ایکن تبلیغات رسمییه شرق اردومزک بر بلان اقتضای اوله رق طونجه شرقتدن حدودی تجاوز ایدن بلغار اردوسی آچیلغه مجبور، دوچار توقف و دشمنه وقت غیب ایتدیر دکن

صوکرده ، نتیجه سنی مشکوک بر محاربه قطعیه کیریشمکدن اجتناب ایله انتظار ایتدیکی تقویه قطعاتی اوزرینه منتظماً چکایدیکنی انبار ایدیور . بوجعت خبری عسکرلکدن آکلامیان، بوتون آرزوسی دائماً هجوم و متصل غلبه خبرلری دیکلهمک اولان اهالیمز اوزرینه سؤ تأثیر ایدیور وکنیدینجه مبهم بولدیکی بوتلیغاتدن اندیشه ناک اولیور . بوندن ده ایچمزدده کی دشمنلرمن استفاده ایدیورلر . برآن محیط مزی کنیدی افساد ایلرندن خالی بر اقیان ف ادجیلر علاقه دار اولان محافلدن آلدق لری مشوم خبرلری بیک درلو مبالغه لرله نشر ایدیور ، افکار عمومی یی اندیشه لره سوق ایدیورلر . شرق اردوسی حقنده درلو درلو مبالغه لرله نشر اولونان صنیه لر اهالینک تلاشنه سبب اولیور ، هرکس بر تلاش شورایه بورایه صوقولیور ، احوالک کنه و حقیقتی نه دن عبارت اولدیغنی اوکر نک ایستیه یور . روم ایلی - بلغار حدودنده ، قرق کلیسا وادرنه جوارنده کی محاربات وقوع بولدیغندن اورالرده ساکن عجزه دن اختیار ، قادین ، چولوق چوجوق مهاجرت ایدم رک بوکون شهرمه کلیورلر . مهاجرلرک بو صورتله ورودلرندن استفاده ایدن مشوم آغزلر یالانلرینی حقیقته بکزمه ده بیلیمک صورتیه قوه معنویه مزی قیرمقندن عبارت اولان مقصد جنایتکارا نه لرینه مساعد بر شرائط بولور کی کورینیورلر . بر طاقم غزته لرک اولجه ویرمش اولدق لری مبالغه لی مظفریت خبرلری ده ، شمدی حقیقتک حالا انتظار ایدیلن بر حالده اولدیغنی کورن افکار عمومی مزی انکساره اوغراقمده علاقه دار اولدیغنی هرکسجه حس ایدیور .

۱۳ نسرین اول ، جمعه ابره سی :

بوکون چقان غزته لر دونکی تبلیغات رسمییه دن، مشوم آغزلرک نشر ایتش اولدق لری یأس آور تفسیر اتدن طولانی مضطرب اولان افکار عمومی یی تنویره چالشیورلر . مع مافی افکارک متشیج اولدیغنک حالدا دوام ایتدیکی علائمه حس اولونیور . هر کس طولانیور ، تجسس ایدیور . دیگر طرفدن سرای هایونده بالان حکومتلریله وقوع بولان محاربه نک صفحاتی وایجاب ایدم رک تدابیرک صورت اتخاذ و اجرایی ذات حضرت پادشاهیجه بیلیمک آرزو بیورلسی اوزرینه وسطی ساعت ایکی بچقندن صوکرده عموم وکلا ، اعیان و علمانک بر قسمندن مرکب فوق العاده بر مجلس انعقاد ایدیور . اجتماع آلتی ساعت قدر امتداد ایدیور . مذاکرات حال حرب وسائر بعض مسائل مهمه حقنده جریان ایدیور ؛ موقع حریده بولنان حربیه ناظری ناظم باشا ایله مخبره اولنیور ، حربک صفحات و طرز جریانی حقنده معلومات آلتیور ، صوک درجه یه قدر بذل غیرتله اتخاذ تدابیر قلنمی و شان عسکرینک محافظه ایدلسی قرار کیر اولیور . بوندن باشقه هیئت وکلا موقع حریده بولنان حربیه ناظری ناظم باشادن کچ وقت تکرار تلغرافله معلومات طلب ایدیور . اردونک شمیدی وضعیتی تدافعی اولدیغنی وایلریده تجاوزی وضعیتده بولنه جنی ، اردونک حالی یولنده اولدیغنی قوت قلبیه ایله تأمیناً اشعار اولونیور .

یونان حدودندن ده موجب ممنونیت بر خبر کلیور . تبلیغ رسمی : دشمنی ایچری چکوب قهر ایتک اوزره لوروس قطع اتنده بالالتزام جهت عسکریه جه بوش بر اقیلوب دشمن طرفندن اشغال ایدلش اولان «قومجادیس» و «غریبه» تپه لرده تشرین اولک اونجی اقسامی عساکر عثمانیه طرفندن دلبرانه وقوع بولان هجوم اوزرینه کاملاً استرداد ایدیلرک دشمنه کلی تلفات ویردیرلیدیکی ، تعقیبنه شدتله دوام اولوندیغنی بیلدیریلیور . یونان فیلوسنک آدریاتیک سواحلنده کشت وکذار ایدم رک عدم موفقیتله نتیجه لئن بر طاقم حرکاتده بولوندیغنی ده غزته لرک نشر ایتندن آکلاشیلیور . قرق کلیسا محارباتنده مجروح دوشن غازیلر مژدن بر مژدار بوکون شهرمه کتیریلیور ، خسته خانه لره توزیع اولونیور . اوحوالیدن کلن مهاجرینه دخی جامعلرده یر ویریلرک کنیدلرینه اکک ویمک توزیع اولونیور .

۱۴ نسرین اول ، بار :

بوکون بوتون غزته لر متجداً اخیراً استانبوله الفا اولنان انکسار روحیه نک ازاله سنه خادم ، متانت و ثباتی تلقین ایدر مقاله لر نشر ایدیورلر . اوکله دن